

Qamuteralaat, nunakkooruteeqqat sisamanik assakaasullit kiisalu qamutit nunaannakkoorutit motorillit allat pillugit Kommune Kujallermi ileqqoreqqusat.

Namminersorlutik Oqartussat nalunaarutaat nr. 10, 10. oktober 2013-imeersoq naapertorlugu aammalu illoqarfinni nunaqarfinnilu qamutit motorillit atugaanerit pillugu ileqqoreqqusanut iluarsiissutitut makku aalajangersarneqarput:

Atuuffia allallu

§ 1. Ileqqoreqqusani ukunani qamutit motorillit qanoq Kommune Kujallermi illoqarfinni nunaqarfinnilu qanoq atorineqarnissaat kiisalu asimi sumi qamutit motorillit atorineqarnissaat malittarisassiorneqarpoq.

Imm. 2. Imartat ileqqoreqqusani ukunani ilanngunneqarput, taamaammat siku atussaatiillugu taakkunani motootilinnik angalasoqarsinnaavoq.

Imm. 3. Ileqqoreqqusat uku sermersuarmut aammalu sermitanut sermersuarneersunut atuutinngillat

§ 2. Qamutit motorillit ileqqoreqqusani ukunani tassaatinneqarput qamutit motorillit qiterutaasallit imaluunniit assakaasullit suulluunniit sikukkut, aputikkut, qaqqakkut nunaannakkulluunniit allatigut angalanissamut naleqqussakkat. Assersuutitut taaneqarsinnaapput qamuteralaat, sisamanik assakaasullit, crossmaskiinut assigisaallu.

§ 3. Inuussutissarsiutigalugu uumasuuteqarnermut atatillugu angalanerit ileqqoreqqusani ukunani ilaatinneqanngillat. Angalanerit taama ittut nunalerinermut atatillugu killeqanngitsumik pisinnaapput kisiannili isumannaallisaaneq, avatangiisit pinngortitarlu nalinginnaasumik ataqqineqassallutik.

Imm.2. Nakkutillissusaatitat pinngortitamik avatangiisinillu nakkutilliillutik angalanerit, annaassiniarnerit, politiit misissuinerit, sakkutuut suliaat assigisaallu ileqqoreqqusani ukunani pineqanngillat.

Imm. 3. Piffinni motorilinnik angallanneq pillugu inatsisitigut allatigut malittarisassaqaarfioersuni malittarisassat sukanganerit qaqugukkulluunniit atuuttut malinneqartussaapput.

Nunakkoorutit motorillit atugaanerit

§4 Nunakkoorutit motorillit atorlugit angalanerit Kalaallit Nunaanni angallanneq pillugu inatsimmut ilaapput, tamatumani ilaatigut makku atuupput:

Litra 1 Illoqarfinni nunaqarfinnilu inuit najugaqarfiini nal 22.00 aamma 06.00 akornanni qamuteralannik, sisamanik assakaasullinnik assigisaannillu angalaneq tamarmi inerteqqutaavoq.

Litra 2 Piffissalli taassuma iliuani illoqarfinnut nunaqarfinnullu ingerlalluni taakkunangaluunniit aallaruni angalaneq akuerisaavoq.

Imm. 2. Ingerlavigeqqusaanngitsuni tatsinilu imeqarfinni motorilinnik angalanerit tamarmik inerteqqutaapput.

Imm 3. Ukiuunerani angallavissat nunap assingini ileqqoreqqusamut uunga ilanngussani 1-3-imi takuneqarsinnaapput. Ingerlaarfissiat assartuiffissiallu avataatigut ingerlasoqassanngilaq.

Imm. 4. Assartuinermi ingerlaarfissanik aalajangiinermut atatillugu ingerlaarfiit taakku nalunaaqutserneqarnissaannik kommunalbestyrelsi piumasaqarsinnaavoq.

Imm. 5. Nunaannarmi assartuilluni ingerlaarfissiat makku tunngavigalugit aalajangerneqarsimapput:

a). Ingerlaarfissiani aqqusineeqqat, pisuttuarfiit, qamutit aqputaat aqquserngillu ujaraarallit malinneqarput.

b). Ingerlaarfissiat nunap ilusaa malillugu silissusillit ingerlasullu nunap pissusia malippaat, tassaakkajuppullu qooqqut iterngi, tatsit assigisaallu.

c). Ingerlaarfissiat 50 meterit missaanni silissuseqarput.

Imm. 6. Ukiuunerani ingerlaarfissiat qamuterallannit, qamutinit qiterutaasalinnit aammalu sisamanik assakaasulinnit atornerqarsinnaapput, tamatumani angallannermut, avatangiisinik pinngortitamillu ataqqinninnissamut aalajangersakkat malinneqassallutik.

Imm.7. Ukiuunerani angallavissiat taamaallaat angallavigneqarsinnaapput , tassa nuna qerilluni apisimallunilu naasunik issumillu aserorterinartinnagu.

Imm 8. Eriagisassani atavissuni motorilinnik angalaneq tamarmi inerteqqutaavoq, tak.

Qanganitsanik atavissunik illunillu eqqissisitsineq pillugu inatsisartut inatsisaat.

Imm . 9. Qamuteralaat atorlugit piniarneq sunaluunniit inerteqqutaavoq, tak. Kalaallit Nunaanni piniarnerni angallatit ilaasa inerteqqutaanerit pillugu nalunaarut 2. juni 1972-imeersoq.

§ 5. Aasaanerani sisamanik assakaasullit, crossmaskiinat kiisalu nunakkoortit motorillit allat atorlugit angalaneq taamaallaat qamutinu ingerlavissiani aqqusinernilu pisassaaq. Taamaattorli suliffeqarfiit pilersuiviit ingerlaarfissiatigut ukioq naallugu motorilinnik ingerlaarsinnaatitaapput.

Imm. 2. Kommunalbestyrelsi nunaminertamik atugassanngortitsinermut atatillugu piffinnik sukisaarsaarfissanik, sisamanik assakaasullit, crossmaskiinat assigisaassalu atornerqarfigisinnaasaannik immikkoortitsisinnaavoq.

Angallanneq pillugu aalajangersakkat tamanut atuuttut

§ 6. Nunakut ingerlatilluni naasut aseruutigisinnaasaannik sangoriataartoqartassanngilaq, sukaleriataartoqassanani imaluunniit uneriatartoqartassanani.

Imm. 2. Tatsit, kuuit annerusut kangerluillu naasunik issumillu aseruiffissaanngitsukkut ikaarneqartassapput.

Imm. 3. Qamutit motorillit illoqarfimmi, nunaqarfimmi asimiluunniit aserortoorunik inuttaminnit atuisiminnilluunniit piaarnerpaamik peerneqassapput.

Aalajangersakkat immikkut akuersinikkut sanioqquneqarneri

§ 8. Pisuni immikkut ittuni kommunip ingerlaarfissatut aalajangigaasa avataatigut ingerlaarnissamut kommunalbestyrelsi immikkut akuersissuteqarsinnaavoq.

Imm. 2. Angalanissat sivikinnerpaamik sapaatit akunnerinik sisamanik sioqqullugit immikkut akuerineqarnissamik qinnuteqaatit tunngavilersukkat Kommunalbestyrelsimit tiguneqareersimassapput aammalu nunaminertat aqqutillu sumiissusiinik nalunaarfiusimassallutik.

Imm. 3. Kommunalbestyrelsi taama ittunik immikkut akuersissuteqarnermini piumasaqaatinik naleqquttutut isigineqartunik piumasaqaateqarsinnaavoq.

Imm. 4. Immikkut akuersissutit ilisimatitsissutit Pinngortitamut Avatangiisinullu Naalakkersuisumut nassiunneqartassapput.

Imm. 5. Immikkoortut 1 aamma 2 naapertorlugit immikkut akuersissutigineqarsimasut akuersinermi piumasaqaatigineqartunik uniuisoqarsimatillugu imaluunniit pinngortitap avatangiisillu innarlerneqarnerannik Kommunalbestyrelsi Naalakkersuisulluunniit naliliisimatillugit Kommunalbestyrelsimit Naalakkersuisunilluunniit qaqugukkulluunniit utertinneqarsinnaapput.

Imm. 6. Immikkut akuersissutit ukioq ataaseq tikillugu sivilissusilimmi atuuttussanngorlugit tunniunneqarsinnaapput.

Imm. 7. Immikkut pisoqartillugu, soorlu piniartitsiniartoqartillugu, timersornikkut aaqquissuisoqartillugu, innuttaasunut tamanut ammasumik angallassinermut atatillugu, ilisimatusarnernik suliaqartoqartillugu assigisaannilluunniit pisoqartillugu § 4, imm. 7 naapertorlugit aalajangersakkat sanioqquneqarnissaannik Kommunalbestyrelsi aalajangiisinnaavoq.

Nakkutilliineq allallu.

§ 9. Ileggoreqqusami uani aammalu qamutit motorillit atorneqarnerat pillugu nalunaarummi nr. 10, 10. oktober 2013-imeersumi malittarisassat malinneqarnerat Kommuunip nakkutigisassaraat.

Imm. 2. Piffissap ingerlanerani maleruaqqusat § 4, imm. 7, nr. 1-imi taaneqartut malinneqarsimangippata kommunalbestyrelsi peqqussuteqassaaq inerteqquteqassallunilu.

Imm. 3. Peqqussutit tassaasinnaapput aqqutit aalajangersimasut atorneqarnissaannik piumasaqaatit.

Imm. 4. Inerteqqutit tassaasinnaapput piffinni piffissanilu aalajangersimasuni angallannerup unisinneqarnissaannik piumasaqaatit.

§ 10. Ileggoreqqusat uku malillugit aalajangiinerit tamarmik Avatangiisit illersorneqarnissaannut Naammagittaalliuteqartarfimmu Avatangiisit illersorneqarnissaannik Inatsisartut inatsisaanni nr. 9, 22. november 2011-imeersumi kapitali 14 malillugu naammagittaalliutigineqarsinnaapput.

Pineqaatissiinerit atuutilerneranullu aalajangersakkat.

§ 11. § 4, Imm. 1 aamma § 4, Imm. 7, § 5, Imm. 1-2, § 6 Imm. 1-2, kiisalu § 7, Imm. 1 aamma 2-imi unioqquitsinerit akiliisitsinermik aamma / imaluunniit arsaarinninnermik nassataqarsinnaapput.

Imm. 2. § 8, imm. 3 naapertorlugu piumasaqaatigineqartunik unioqqutitsinerit akiliisitsinermik nassataqarsinnaapput.


Imm. 3. § 10, imm. 2-4 naapertorlugit peqqussutinik inerteqqutinilluunniit malinninngitsoornerit akiliisitsinermik nassataqarsinnaapput.

Imm. 4. Nalunaarut nr. 10, 10. oktober 2013-imeersoq akiliisitsinissamut tunngavissiisimatillugu Kalaallit Nunaanni pinerluttulerinermut inatsimmi malittarisassat malillugit inatsisitigut inuttut naatsorsuunneqartumut akiliisitsisoqarsinnaavoq.

Imm. 5. Immikkoortut 1-4 malillugit akiliisitsissutaasut Nunatta Karsianut nakkartinneqartassapput.

§ 12. Taassumap maleruaqqusap atorunnaarsippai siulii Nanortallip, Qaqortup Narsallu Kommuuniata saqqummiunnuusai tassunga maleruaqqusamut ilanngunneqarsimasut. Imm. 2. Nalunaarut una atuutilerpoq 01. novembari 2014.

Taamaalilluni Kommune Kujallermi kommunalbestyrelsimit ulloq 24. septembari 2014
atuutilersinneqartoq



Jørgen Wæver Johansen
Borgmesteri



Frank Hedegaard Jørgensen
Pisortaaernerugallartoq

Namminersorlutik Oqartussanit atortussanngortinneqartoq, _____ 2014

Nunap assingi ilanngussawt

Nunakkoortit motorillit ingerlaarfissiani nunap assingini taaneqartuni atorneqarsinnaapput:

1. Nanortalik eqqaalu
2. Vatnahverfi eqqaalu
3. Qaqortoq eqqaalu
4. Narsaq eqqaalu

Nunaqarfinni allani ingerlaarfissianik aalajangiisoqanngilaq.